

Republika Bosna i Hercegovina
 UNSKO-SANSKI KANTON
 Općina BOSANJSKI PRISTOČAC

Datum: 29-04-2020

Broj. list.	Broj.	Stranica	Broj. strana
06	20-876-1/20		

Na osnovu člana 16. Zakona o Vladi Unsko-sanskog kantona („Službeni glasnik USK-a“ broj: 05/08), člana 42. Zakona o izvršavanju Budžeta Unsko-sanskog kantona za 2020. godinu („Službeni glasnik Unsko-sanskog kantona“, broj:7/20), članova 6., 10. i 29. Zakona o novčanim podrškama u primarnoj poljoprivrednoj proizvodnji na Unsko-sanskom kantonu („Službeni glasnik Unsko-sanskog kantona“, broj:07/08 i 4/12) i Odluke Vlade Unsko-sanskog kantona o preraspodjeli sredstava Budžeta Unsko-sanskog kantona za 2020. godinu, broj:03-017-1571/2020 od 03.04.2020. godine, Vlada Unsko-sanskog kantona na sjednici održanoj 09.04.2020.godine, d o n o s i:

ODLUKU

o vrsti, osnovnim kriterijima i načinu ostvarivanja novčanih podrški u primarnoj poljoprivrednoj proizvodnji iz Budžeta Unsko-sanskog kantona za 2020. godinu

I

Ovom Odlukom utvrđuju se vrste, osnovni kriteriji i način ostvarivanja novčanih podrški u primarnoj poljoprivrednoj proizvodnji (u daljem tekstu: Novčane podrške) iz Budžeta Unsko-sanskog kantona za 2020.godinu.

OSNOVNE ODREDBE

Član 1.

(1)Ovom Odlukom utvrđuju se vrste, osnovni kriteriji i način ostvarivanja novčanih podrški u primarnoj poljoprivrednoj proizvodnji (u daljem tekstu: Novčane podrške) iz Budžeta Unsko-sanskog kantona za 2020.godinu (u daljem tekstu: Budžet USK-a).

(2)Novčane podrške iz ove Odluke ostvaruju pravna i fizička lica (u daljem tekstu: Korisnici) prema kriterijima propisanim u Uputstvu za ostvarivanje kantonalnih novčanih podrški u primarnoj poljoprivrednoj proizvodnji za 2020. godinu (U daljem tekstu: Uputstvo) Ministarstva poljoprivrede, vodoprivrede i šumarstva Unsko-sanskog kantona (U daljem tekstu: Ministarstvo).

(3)Ministarstvo će vršiti poslove realizacije novčanih podrški u primarnoj poljoprivrednoj proizvodnji iz Budžeta USK-a u saradnji sa: Općinskim/gradskim poljoprivrednim službama Unsko-sanskog kantona (U daljem tekstu: Općinska/gradska poljoprivredna služba), Upravom za inspeksijske poslove Unsko-sanskog kantona, Poljoprivrednim zavodom Unsko-sanskog kantona, Veterinarskim zavodom i drugim organizacijama.

(4) Na osnovu zahtjeva Korisnika za isplatu novčanih podrški, kontrole osnovanosti zahtjeva i dokumentacije od strane uposlenika Odsjeka za novčane podrške o ispunjavanju uvjeta za ostvarivanje prava na novčanu podršku i obračuna visine naknade, Ministar poljoprivrede, vodoprivrede i šumarstva Unsko-sanskog kantona (U daljem tekstu: Ministar) odobrava isplatu novčane podrške iz Budžeta USK-a putem Ministarstva finansija Unsko-sanskog kantona - Trezora.

(5)Na osnovu stava 3, člana 2. Zakona o novčanim podrškama u poljoprivredi i ruralnom razvoju („Službene novine Federacije Bosne i Hercegovine“ broj: 42/10) Federalno ministarstvo poljoprivrede, vodoprivrede i šumarstva i kantonalna ministarstva nadležna za poslove poljoprivrede dužna su osigurati provođenje harmonizacije.

VRSTE NOVČANIH PODRŠKI

Član 2.

(1) Novčane podrške u primarnoj poljoprivrednoj proizvodnji ostvaruju se za slijedeće vrste novčanih podrški:

šifra	Vrsta proizvodnje Ekonomski kod 614500KAP 004	Maksimalan iznos u KM/jedinici mjere	Planirana sredstva u KM
A-1	Sufinansiranje laboratorijskih pretraga mlijeka i nabavke goriva za proljetnu sjetvu 2020. godine	0,08 KM/litra	2.720.000,00
A-2	Uzgoj rasplodnih junica	400,00 KM/grlo	200.000,00
A-3	Tov junadi	400,00 KM/ grlo	8.000,00
A-4	Sufinansiranje pretraga na američku gnjiloću kod pčela	9,00 KM/društvo	234.000,00
A-5	Proizvodnja riblje mladi	0,04 KM/komad	48.000,00
A-6	Držanje koka nesilica	1 KM/komad	66.000,00
A-7	Uzgoj podmlatka ovaca i koza	5 KM/grlo	35.000,00
B-1	Proizvodnja kornišona na otvorenom	0,14 KM/kg	280.000,00
B-2	Proizvodnja jagodičastog voća: (malina, kupina, borovnica, jagoda i aronija)	0,55 KM/kg	770.000,00
B-3	Proizvodnja povrća, jagode i cvijeća u zatvorenom prostoru	4,50 KM/m ²	270.000,00
B-4	Proizvodnja kontejnerskih presadnica povrća	0,10 KM/komad	11.000,00
B-5	Sufinansiranje nabavke sadnica drvenastog i jagodičastog voća za podizanje novih zasada	30 % od nabavne cijene sadnica/kom	25.000,00
B-6	Proizvodnja gljiva	4 KM/m ²	8.000,00
C-1	Novčane podrške ostvarene na osnovu prava u ponovljenim postupcima prema ZUP-u		10.000,00
C-2	Certificirana organska biljna proizvodnja	3000,00 KM/ha	15.000,00
	Ukupno:		4.700.000,00
	Ekonomski kod 614400KAO 002		
C-3	Sufinanciranje izrade mliječnog kartona	8,00 KM/grlo	80.000,00
	Ukupno:		80.000,00
	SVEUKUPNO:		4.780.000,00

Napomena: Ukoliko zbir iznosa obračunate novčane podrške svih pojedinačnih zahtjeva u okviru određene proizvodnje bude veći od iznosa sredstava utvrđenih Odlukom za navedene vrste podrške, izvršit će se proporcionalno smanjenje svih odobrenih pojedinačnih iznosa te novčane podrške, a sve u cilju ispunjavanja POGHLAVLJA II –IZVRŠAVANJE BUDŽETA člana 7. stav (2) Zakona o izvršavanju Budžeta Unsko-sanskog kantona za 2020. godinu („Službeni glasnik Unsko-sanskog kantona“, broj:7/20).

OSNOVNI KRITERIJI ZA OSTVARIVANJE NOVČANIH PODRŠKI

Član 3.

Opći kriteriji:

(1) Fizičko lice koje je državljanin Bosne i Hercegovine sa prebivalištem na teritoriji Unsko-sanskog kantona (U daljem tekstu: Kanton), odnosno pravno lice i obrt koje ima sjedište na Kantonu.

(2) Fizičko, pravno lice ili obrt koje je ostvarilo primarnu poljoprivrednu proizvodnju ili djelatnost u 2020. godini na području Kantona, a koji je upisan u federalni Registar poljoprivrednih gazdinstava, odnosno Registar klijenata (RPG/RK) kod općinskih/gradskih službi za poljoprivredu stiče pravo na ostvarivanje novčane podrške.

(3) Fizičko lice koje nema dospjelih, a neizmirenih poreznih obaveza za prethodnu godinu prema Kantonalnoj poreznoj upravi stiče pravo na ostvarivanje novčane podrške. (Za korisnike koji nisu u sistemu PDV-a).

(4) Fizičko, pravno lice ili obrt koje nema dospjelih, a neizmirenih poreznih obaveza prema Kantonalnoj poreznoj upravi i poreznih obaveza prema Upravi za indirektno oporezivanje Bosne i Hercegovine za prethodnu godinu stiče pravo na ostvarivanje novčane podrške. (Za korisnike koji su u sistemu PDV-a)

(5) Fizička, pravna lica ili obrti koji redovno ispunjavaju svoje dospjele obaveze po zaključenim ugovorima o robnim, robno-novčanim kreditima i koncesijama sa Ministarstvom stiču pravo na ostvarivanje novčane podrške u skladu sa članom 7. stav 1. tačka 7. Zakona o novčanim podrškama u primarnoj poljoprivrednoj proizvodnji na Unsko-sanskom kantonu, (U daljem tekstu: Zakon o novčanim podrškama).

(6) U slučaju da se utvrđena kvota po vrstama novčanih podrški unutar jedne oblasti, radi objektivnih okolnosti u cjelosti ili djelimično ne iskoriste Ministarstvo će svojom odlukom omogućiti da se neutrošena sredstva usmjere na druge stavke unutar te oblasti.

(7) U slučaju da se utvrđena kvota po vrstama sredstava radi objektivnih okolnosti djelimično ne iskoristi, Ministarstvo ima pravo da preusmjeri sredstva iz oblasti u oblast uz prethodno pribavljenu saglasnost Vlade Unsko-sanskog kantona.

(8) Ukoliko zbir iznosa obračunate novčane podrške svih pojedinačnih zahtjeva u okviru određene proizvodnje bude veći od iznosa sredstava utvrđenih Odlukom za navedene vrste podrške, izvršit će se proporcionalno smanjenje svih odobrenih pojedinačnih iznosa te novčane podrške, a sve u cilju ispunjavanja POGLAVLJA II –IZVRŠAVANJE BUDŽETA člana 7. stav (2) Zakona o izvršavanju Budžeta Unsko-sanskog kantona za 2020. godinu („Službeni glasnik Unsko-sanskog kantona“, broj:7/20).

Član 4.

Posebni kriteriji:

(1) (A-1) Novčanu podršku za Sufinansiranje laboratorijskih pretraga kvalitete mlijeka i nabavke goriva za proljetnu sjetvu 2020. godine ostvaruju proizvođači svježeg kravljeg, ovčijeg i kozjeg mlijeka koji su plasirali mlijeko registriranom otkupljivaču mlijeka na području Bosne i Hercegovine u I, II, III i IV kvartalu 2019. godine. Visina podrške iznosi maksimalno 0,08 KM / litar isporučenog mlijeka. Najmanja količina plasiranog mlijeka za koju se može ostvariti novčana podrška iznosi 1.000 litara.

(2) Novčanu podršku za uzgoj rasplodnih junica (A-2) ostvaruju registrovani uzgajivači čiji je rasplodni podmladak registrovan u Uzgojno-selekcijskoj službi USK-a (U daljem tekstu: Uzgojno-selekcijaska služba) i obilježen u skladu sa Pravilnikom o obilježavanju životinja i šemi kontrole kretanja životinja (Službeni glasnik BiH, broj: 28/03), a isti mogu koristiti za vlastiti uzgoj ili prodaju:

a) pravna lica i obrti da u vlastitom stadu uzgoje jednu junicu u toku 2020. godine. Za uzgojene dvije ili više junica, zahtjevi se putem općinske službe za poljoprivredu i Ministarstva usmjeravaju na federalne poticaje.

b) pravna lica i obrti da od kupljene ženske teladi uzgoje najmanje jednu junicu u toku 2020. godine. Starost ženske teladi prilikom kupovine ne može biti veća od 3 mjeseca.

b) fizička lica da od teladi iz vlastitog stada ili kupljene ženske teladi uzgoje najmanje jednu junicu,

(3) Novčanu podršku za tov junadi (A-3) ostvaruju uzgajivači tovne junadi čija su grla registrovana u Uzgojno-selekcijskoj službi i obilježena u skladu sa Pravilnikom o obilježavanju životinja i šemi kontrole kretanja životinja (Sl. glasnik BiH, broj: 28/03), a koji utove i plasiraju dva juneta u jednom turnusu i iste plasiraju registriranoj (odobrenoj) klaonici ili otkupljivaču koji je u sistemu PDV-a, a koji ima ugovor o uslužnom klanju sa registriranom (odobrenom) klaonicom.

a) Proizvođači tovne junadi mogu ostvariti pravo na podršku za maksimalno dva turnusa tokom godine.

b) Pravo na novčane podrške za tov junadi imaju tovljači sa najmanjim ostvarenim prirastom od 250 kg/grlo kod ženskih grla i 300 kg/grlo kod muških grla, sa najmanjom izlaznom težinom od 500 kg žive vage. Visina novčane podrške iznosi maksimalno 400 KM/grlo.

(4) Novčanu podršku za sufinansiranje pretraga na Američku kugu kod pčela (A-4) ostvaruju pčelari koji na svom pčelinjaku posjeduju najmanje 20 aktivnih pčelinjih društava i koji su uradili pretrage na Američku kugu u pčelinjaku. Visina novčane podrške iznosi maksimalno 9,00 KM/pčelinje društvo.

(5) Novčanu podršku za proizvodnju riblje mlađi (lipen i pastrmka) (A-5) ostvaruju registrirani proizvođači riblje mlađi koji proizvedu i plasiraju najmanje 200.000 komada riblje mlađi. Visina podrške iznosi maksimalno 0,04 KM/komad riblje mlađi.

(6) Novčanu podršku za držanje koka nesilica (A-6) ostvaruju proizvođači koji u 2020. godini drže najmanje 1.000, a najviše 50.000 komada koka nesilica u proizvodnji jaja. Visina novčane podrške iznosi maksimalno 1,00 KM/komad.

(7) Novčanu podršku za uzgoj ženskog podmlatka ovaca i koza (A-7) ostvaruju registrovani uzgajivači koji posjeduju najmanje 50 grla ženskog podmlatka ovaca, odnosno 25 grla ženskog podmlatka koza koje će zadržati za dalji uzgoj, a čiji je rasplodni podmladak registrovan u Uzgojno-selekcijskoj službi USK-a i obilježen u skladu sa Pravilnikom o obaveznom označavanju i upisu u Jedinstveni registar ovaca, koza i svinja te vođenju evidencije ("Službene novine Federacije BiH", broj: 87/07 i 64/08), a isti mogu koristiti za vlastiti uzgoj. Visina novčane podrške iznosi maksimalno 5,00 KM/grlo.

(8) Novčanu podršku za proizvodnju povrća na otvorenom: kornišon (B-1), ostvaruju proizvođači koji zasiju i proizvedu kornišon na najmanjoj površini od 0,1 ha - 0,5 ha i plasiraju povrće registriranom otkupljivaču i/ili prerađivaču povrća, a koji je u sistemu PDV-a. Visina novčane podrške iznosi maksimalno 0,14 KM/kg plasiranog povrća. Najmanja količina plasiranog povrća za koju se može ostvariti novčana podrška iznosi 1.000 kg.

(9)Novčanu podršku za proizvodnju jagodičastog voća (B-2) ostvaruju proizvođači koji proizvedu i plasiraju jagodičasto voće registriranom otkupljivaču i/ili prerađivaču jagodičastog voća, a koji je u sistemu PDV-a. Maksimalna visina novčane podrške iznosi 0,55 KM/kg plasiranog jagodičastog voća. Najmanja količina plasiranog jagodičastog voća za koju se može ostvariti novčana podrška iznosi 500 kg po jednom prerađivaču/otkupljivaču.

(10)Novčanu podršku za proizvodnju povrća, jagode i cvijeća u zatvorenom prostoru (B-3) ostvaruju proizvođači koji zasade i proizvedu povrće, jagode i cvijeće na najmanjoj površini od 200 m². Maksimalna visina podrške iznosi 4,50 KM/m² zasađene površine.

(11)Novčanu podršku za proizvodnju kontejnerskih presadnica povrća (B-4) imaju korisnici koji su upisani u Registar proizvođača sjemena, presadnica, micelija jestivih i ljekovitih gljiva kod Federalnog ministarstva poljoprivrede, vodoprivrede i šumarstva, a koji proizvedu minimalno 20.000 kontejnerskih presadnica povrća (paradajza, paprike i krastavaca) i iste plasiraju na tržište ili iskoriste za vlastitu proizvodnju merkantilnog povrća, a sve u skladu sa Zakonom o sjemenu i sadnom materijalu poljoprivrednog bilja. Visina podrške iznosi maksimalno 0,10 KM/komadu.

(12)Novčanu podršku za nabavku sadnica drvenastog i jagodičastog voća za podizanje novih zasada (B-5), ostvaruju klijenti proizvođači koji imaju zasađene površine od 0,1-2 ha uz dokaz (priloženi računi) za kupljene sadnice u jesen 2019 ili u toku 2020 godine. Visina podrške iznosi max 30 % od nabavne cijene sadnice.

(13)Novčanu podršku za proizvodnju gljiva (B-6) ostvaruju korisnici koji zasnuju proizvodnju i proizvedu gljive na najmanjoj površini supstrata od 50 m² do maksimalno 500 m², a iste plasiraju na tržište. Visina novčane podrške iznosi 4,00 KM/m² supstrata.

(14) (C-1)Novčane podrške su ostvarene na osnovu prava u ponovljenim postupcima provedenim na osnovu žalbi, po provedenim pravomoćnim sudskim presudama u oblasti novčanih podrški iz prethodnih godina, i u naknadno određenom roku dopunom svojih zahtjeva dokumentacijom koja nedostaje (član.67. i 135. ZUP-a), a prema važećem Uputstvu za ostvarivanje novčanih podrški u primarnoj poljoprivrednoj proizvodnji za budžetsku godinu u kojoj je podnešen Zahtjev za ostvarivanje novčane podrške.

(15) Novčanu podršku za certificiranu biljnu proizvodnju (C-2) ostvaruju proizvođači koji su certificirali organsku biljnu proizvodnju u 2020. godini. Visina novčane podrške iznosi 3.000,00 KM/ha certificirane organske biljne proizvodnje. Proizvođači organske biljne proizvodnje ne mogu ostvariti pravo na novčanu podršku i sa federalnog nivoa za istu vrstu proizvodnje

(16)Novčanu podršku za sufinansiranje izrade mliječnog kartona (C-3) ostvaruju veterinarske organizacije na području Kantona. Visina novčane podrške iznosi 8,00 KM/grlu za koje je urađen mliječni karton. Poljoprivredni proizvođač će uplatiti razliku do punog iznosa izrade mliječnog kartona, veterinarskoj organizaciji.

NAČIN OSTVARIVANJA NOVČANIH PODRŠKI

Član 5.

(1)Novčane podrške se ostvaruju na način propisan u Uputstvu Ministarstva.

(2)Obradu svakog zahtjeva za isplatu novčanih podrški i obima traženih sredstava će vršiti Odsjek za novčane podrške u skladu sa Uputstvom.

(3)Odsjek za novčane podrške je u obavezi da vodi evidenciju primljenih i obrađenih zahtjeva.

Član 6.

Radi koordinacije aktivnosti po podrškama, zadužuje se Ministarstvo finansija -Trezor da mjesečno u pisanoj formi, izvještava Ministarstvo o izvršenju isplata za sve vrste novčanih podrški.

Član 7.

Nadzor nad sprovođenjem ove Odluke vrši Ministarstvo u saradnji sa Kantonalnom upravom za inspeksijske poslove, svako u okviru svojih nadležnosti.

Član 8.

Za realizaciju ove Odluke zadužuju se Ministarstvo i Ministarstvo finansija - Trezor, svako u okviru svojih nadležnosti.

Član 9.

Zadužuju se Ministarstvo poljoprivrede, vodoprivrede i šumarstva i Ministarstvo finansija, da Vladi Unsko-sanskog kantona dostave na kraju Budžetske godine izvještaj i analizu o realizaciji novčanih podrški iz ove Odluke.

Član 10.

Ova Odluka stupa na snagu danom donošenja i objaviće se u „Službenom glasniku Unsko-sanskog kantona“.

Broj:03-017-1598/2020
Bihać, 09.04.2020.godine

PREMIJER KANTONA

mr.sci. Mustafa Ružnić